

INUIT ATAQATIGIIT

INATSISARTUNI



Qasigianguit 24. juli 2015

Inatsisartut Suleriaasianni § 37 naapertorlugu Naalackersuisunut Qasigianguani Aasiannilu erngup nukinganik innaallagissiorfiliornissat pillugit apeqqutit imaattut matumuuna saqqummiuppakka :

Apeqqutit:

- 1) "Erngup nukinganik innaallagissiorfiliornissanut misissueqqaarnerit 2010 – 2014"-mi Naalackersuisut allapput Qasigianguit Aasiaat-Illu akornanni erngup nukinganik innaallagissiorfiliornissaq "maannakuugallartoq aningaasaliiffis-sallugu pilerinarpallaanngitsoq". Taamatut Naalackersuisut sulii isumaqarpat?**
- 2) Akissut aappiuppat, taava Naalackersuisut qanoq pilersaaruteqarpat siunissaq eqqarsaatigalugu akikinnerusumik minguinnersumillu piffinni taakkunani nukissiuutit qanoq pilersaaruteqarpat?**
- 3) Naalackersuisut allapputtaaq "iliuusissaq tulleg tassaassasoq inuiaqatigiinnut aningaasaqarnikkullu kingunissaat pillugu nalilersuisoqartariaqartoq, taamaa-lilluni qanoq ilinikkut imminut qanoq akilersinnaatiginersaq qulaajarne-qassamat".**

Naalackersuisut pilersaaruteqarpat erngup nukinganik innaallagissiorfiliorto-qassapat kingunissaanik qulaajaanissaminut?

(Inatsisartuni ilaasortaqa Sara Olsvig, Inuit Ataqatigiit)

Tungavilersuutit:

Kalaallit Nunatsinni ukiut ingerlanerini erngup nukinganik atuilluni innaallagissiorneq annertuumik annertusinikuuvoq, taamatullu ingerlaannarnissaa kissaatiginarluni. Erngup nukinganik piujuaannartitsinermillu aallaavilinnik innaallagissiornerup ineriartortittuarnissaa Inuit Ataqatigiinni isumaqarpugut, aamma illoqarfinni mikinerni nunaqarfinnilu. Siunissaq ungasinnerusaq isigalugu inuussutissarsiornikkut ineriartortitsinissaq toqqammavilerluar-neqarsinnaapput akikinnerusumik, minguinnersumik innuttaasunut innaallagissamik pilersuineq ingerlanneqalerpat.

Taamaattumik uggorissavarput erngup nukinganik nukissiorfiliornissaq Qasigianguanut Aasiannullu unitsinneqassappat. Illoqarfinni taakkunani ineriartortitsinissamik periarfissaris-saarpoq, soorlu aalisakkeriffinnik takornariartitsinermillu annertusaanikkut. Aammattaaq nunaqarfiit qanittumiittut. Taamaattumik suliap pilersaarusernerani taakku ilanngunneqar-tariaqarpoq ineriartortitsivissatut.

Taamaattumik Inuit Ataqatigiit paaserusuppaat Qasigianguanut Aasiannullu pilersuisussamik erngup nukinganik innaallagissiorfiliornissaq unitsinneqarsimanersaq imaluunniit sulii pilersaa-ruteqarnerisak akikinnerusumik minguinnersumillu nukissamik pilersuinissaq pilersaaruteqar-nersut taakkununga illoqarfinnut nunaqarfinnullu pineqartunut.

Apeqqutit ullut suliffiit qulit qaangiutsinnagit akeqquneqarput.